



邊華泉集卷之三

五言律詩

吳節婦

風雨屋蕭然孤燈四十年家聲越國後心事紀姬前行入
先皇錄名垂太史篇溪清石不轉寒影照娟娟

送周判官

一官成晚歲共惜子雲才驅馬國門路北風聲正哀山形
橫塞起邊色映空來感慨登臨處殘陽照古臺

送張進士孔昭赴南刑部

春風揚子渡江上雪初消草色連三月山名記六朝白雲

官舍近紅日帝鄉遙欲寄西來信秦淮有落潮

送鄭徵之還濟南

晝錦人爭羨居官不離鄉地親王子貴衙對佛山長珂馬
春情遠稱觴午夢香相思有南鴈瑤草寄新芳

送康狀元乃叔上舍生還武功

武功山路渺西去雪嶢嶢里布儒生服郵車使者銜上堂
脩典冊登隴拜松杉記取龍頭事鄉人問阿咸

久客便醒卧逢君一舉杯后山元苦節同父舊多才雨映
三更燭春飄二月梅重來話相訪好記鳳凰臺

二

往往風零下行歌太雅篇青春逢此地白髮感流年岸柳
村村合江花處處妍到官多暇日一訪謝公泉

和張內翰見寄韻

爾向家山去休歌蜀道難乘車真得意戲綵足承懽劍閣
留詩草亭溪把釣竿玉堂回首處夢繞五雲端

馮呂梁惠詩率爾酬贈兼謝藥草之惠

高情馮水部相見示新篇鍾磬懸清廟瓊環落九天色流
湖岸荇香襲楚臯烟更謝金光草扶予衰病年

臨清舟中寄蘇三泉

水國逢君壽，秋花蕩客船。
河流動顏色，鄉土接風煙。
天地青尊外，光陰素髮前。
吾愁隨日長，叨祿漫多年。

送曾世亨兵備赴蜀

九秋三峽道，萬里一舟孤。
夜渡劍門月，波光搖湛盧。
詩論青塚恨，恩返綠林逋。
歲晚東來使，梅花肯寄無？

夜中不寐登樓有懷

遠浦連疎柝，山空夜寂寥。
地看鄉土隔，書寄美人遙。
海氣含春色，江雲入斗杓。
灤源橋上柳，應有拂闌條。

送黃北川赴京

黃子黃門客，青春上國行。
風塵遙入望，邊塞獨關情。
捧日

雙龍闕，看雲五鳳城。
懷中有短疏，知欲請長纓。

夜訪朱應辰

啓閣懸燈坐，霜天夜轉幽。
居然剡溪興，何異竹林遊。
水落江鴻去，城孤海月流。
重逢好相憶，紅寥白門秋。

寄弟松江周翁

不見南溪老，蒼茫二十秋。
浦雲空北望，江水自東流。
已化遼陽鶴，猶疑海畔鷗。
存亡一掬淚，何日灑林丘。

解印後病中書懷二首留別南都諸同遊

勅放青山去，恩同碧海深。
靜居諧始願，孤往契冥心。
已破槐南夢，何須澤畔吟。
我泉多水竹，蒼翠想森森。

二
一別齊川路兩年今始歸
久知麋鹿侶遙待薜蘿衣
洞古龍還在林深鳥不飛
入山城府隔從此跡應稀

過呂梁

解纜洪流樹侵星
過呂梁風雲猶帝里
山水即吾鄉
硯拂秋嵐濕衣沾曉露涼
長年欣暑退伊軋掉歌長
澤國新秋爽玄雲起北溟
衣冠逢水部風雨謝山靈
雅意堪留滯清詞足典刑
夕舟兼晚榻談坐憶蒲汀

送王分司因過白塔寺飲

九日登高興三秋悵別情
重携一尊酒此地共君傾
塔湧

浮雲暗山啣落日
明還將紅樹色遙送海東行

登南明山

石磴抱雲迴高高積翠開
蒼藤昏古殿碧樹隱仙臺
鍾鼓三天下風烟萬壑來
不知千載後誰憶此啣杯

二

地僻無人賞靈山迥獨看
石梁橫險絕巖洞倚高寒
靜已忘塵世狂猶繫冗官
長歌送西日野色上虛闌

南都送道士

自君辭白下靈悟入玄冥
始信虛無外元來別有經
乾坤寄水火離坎走雷霆
兀兀眼前事真如江上萍

春雪

在爾陽春日淒淒晝雪寒
情知飛絮假還當
落梅看向日
偏紫戶隨風故繞
闌同雲暮千里
吟坐憶長安

分賦春雨得時字

爲愛西堂雨黃昏
坐不辭礎痕
移榻處池漲
捲簾時瑞紀
農官頌題分水部
詩客車何日返
真長故山芝

九日

白日寒城暮
清秋畫角哀
地偏妨采菊
鄉遠怕登臺
鴻鴈天邊去
風雲塞上來
故交零落盡
卮酒向誰開

次陳靜齋九日二首

山水留佳賞
登臨夙有期
却憐重九日
空讀泮臺詩
卧雨情無那
停雲思欲癡
夜深還秉燭
閒對菊花枝

九日逢連雨
賓朋屢費邀
實孤黃菊盞
虛想綠雲簫
蟋蟀聲逾近
梧桐葉盡飄
喜聞歸不遠
旌節候來朝

九日登吹臺次毛侍御韻

對酒重陽雨
登樓萬里心
異花開晚節
群木秀寒林
鼓角連天暮
風雲接塞陰
王師捷何日
傾耳北來音

春暮

骨肉俱零落
還家不似歸
自傷真塊處
誰遣更花飛
雨握春苗病
風摧旅鴈稀
飄飄木蘭楫
吾欲泛東沂

願病清源中秋罹雨宵分言霽短音寓懷

隔歲鄉關月中秋想一看真愁白髮顯翻隱碧雲端桂影
沉烟濕金波映浦寒雞鳴興不淺吟酌細凭闌

正月七日飲教水部分司歸即事

結榜依江岸傳觴感歲華偶同人日酒翻滯使星槎水凍
仍餘雪林寒且未花醉歸燒短燭高枕聽昏鴉

寶應元夕飲朱升之舍

望望平安驛春行路不遥故人還此地芳序且元宵水近
潮通閣燈寒月過橋計程拚取醉佳賞更須招

供事 長陵

俎豆薦春芳東陵晝漏長偃松盤古榭靈草秀虞梁日月
皇輿遠江河聖曆昌因山昭儉德千載頌文皇

望陵二首

徙倚東峯下西陵望鬱然玄宮深闕日玉座迥浮烟風雨
清明候乾坤正德年攀龍無處所空有淚潺湲
憶在先朝日曾沾侍從恩鸞輿歸寂寞鳳質儼生存夕日
昏阡樹春風長澗繫祠官如可乞長奉泰陵園

過

壽陵故址

景帝臨馭時
自建尋錢之

玉體今何所遺墟夕靄凝寶衣銷野燐碧瓦蔓溝藤成灰
崩年謚恭仁葬後稱千秋同一毀不獨漢唐陵

西陵訪王給事汝溫不遇

時汝溫督工秦陵

狂夫多野性春到每思家却訪山中客還逢水際花薄雲
陰古殿鳴鳥聚連沙迤邐回谿晚西陵月正斜

遊玄福宮

福地盤青甸香臺倚紺雲材分龍藏寶功就羽林軍洞客
脩丹錄山靈護敕文願資玄教力千載翊明君

秦陵供事述感五章

陵墓三年道重來七月期山河不改色霜露只增悲世想
欽明德人傳顧命辭九齡如帝與端可致雍熙
恭已班虞舜求賢越武丁心猶在邊徼夢已隔泉扃求作

千秋別處傳七日醒夕廬齋沐所彷彿見遺形

象設徒虛備龍遊竟不還勳華留率土精爽寄空山石鐫
金泉黝雲棲碧殿閒寢園如種竹應有淚成班

皇寢居庸近山深地轉饒雄關三鎮鎖幽府百靈朝堡堞
烽全息屯兵甲半銷帝心遙可識終古絕天驕

午夜祠鍾發千官集廣墟遂看除禫服那復見宸裾長隧
通玄壤明樓瞰紫虛松阡回望裏風雨泣漣如

下陵二首

露行踰十里夜黑四巖陰不辨雲霞色惟聞鍾磬音
鵝翻列火山鬼嘯空林欲下西陵路前溝水正深

竊竊山逕僻喧喧徒御歸馬逢危石住燈入古林稀樹密
全妨蓋雲寒半濕衣紅門知不遠秋角聽依微

望 孝宗陵

泰陵今在目突起茂阡西宮殿青霄迥松杉白日淒坤墟
符帝宅山壽與天齊黍稷明年祀重來路不迷

郊壇夜步

晚步凌高榭春空月正明星辰臨漢時樓觀俯泰京靜夜
松飈響壘年穀日晴同心隔城市相望轉盈盈

候駕

遙聞葆吹聲仙仗下通明地轉蒼龍道天臨白玉京瑞光

同遠近雲物半陰晴隱隱行宮啓重關虎豹盈

承聞

詔迎

聖母大妃還宮

兆啓封邦日圖開繼統春漢南王化遠天下母儀新侍寢

隨 宮眷留行聚國人嗣 皇敦孝理瞻望黼衣頻

濟水朝京甸燕關鎮海流 九重迎 聖母千里會諸侯

日月開黃道河山列素秋禮文同扈蹕元不爲宸遊

上陵

卧病長夏晚出門秋草生聊因上陵日一寄看山情野水

侵平道寒雲覆古城聖君方用武群盜敢縱橫

五月七日陪李劉二侍御遊宴尹亭

不到北湖久重來蓮葉青水香還落照山色自孤亭竹隱
尚書榻窓懸柱史星回舟忽已晚波上月冥冥

沙河

放馬野田草路迴登古原雞鳴桑下屋牛卧雨中村薄日
浮山影長橋下水痕煌煌中使出束帛向陵園

九月望日同大陽有臺二使君泛湖出郭二首

野眺隣幽曠移舟出水關上卿雙蓋迥漁父一簑閒墜葉
紛飄座迴汀曲抱山芳尊對搖落不醉可須還

候火射波光中流見女墻觀樓增突兀雲月遙微茫岸接

青山近舟寒絳芷香興酣忘夜久歌吹逸林塘

村舍

村舍孤烟起山中朝雨寒丁夫荷鋤去稚子出門看早稼
登塲圃秋瓜蔓井闌居然羨閒逸趨府欲辭官

泛湖

此日秋風起移舟向浦煙客心隨地遠人語隔花白古寺
疎林外孤亭落照前十年塵土夢回首一茫然

山行

兩山開一逕杳杳入雲煙仄磴樵人下危峰野衲禪斷鴻

愁返照歸馬識斜川井邑干戈後凋零異昔年

御帳坪次王伯安韻

白日天門近青山御帳空亭虛從眺覽樹古自登封過鳥
層雲上鳴泉萬壑中翠華春不返惆悵昔人蹤

題清樂亭

老木隱江亭幽居對錦城榻懸西嶺雪墻度浣溪鶯地僻
人稀到心閒夢亦清窮通身外事何必問君平

重陽後三日登雨花臺

一片金陵川荒臺對酒看水雲霏冉冉江日隱團團馬早
邠堪聽花遲未可食凭軒望鄉國西北近長安

與平厓林多史泛湖北抵華不注山夜後陸歸二首

浮舟出近郭落日半溪陰水濶蕪葭淨山寒烟霧深壺觴
不盡興絲竹有餘音獨恨黃花少猶煩隔浦尋

黃昏過別業却見舊山僧客駕聊云息鄉愁轉更增水光
浮夜月林影散秋燈隔苑聞寒犬高軒醉懶乘

後三日登龍洞山二首

海嶠烟霞滿積陰綠苦穿嶺滑黃葉綴巖深宛宛
鹿麋徑泠泠泉礪音高人或住此精舍杳難尋

寺古猶存佛山深少見僧遲徊意不極去住感偏增樹隱
青林店龕明白石燈峭峰吾欲上未有鶴堪乘

宋駙馬園亭訪東石談子遇雨

却訪故人處遙來公主園濕雲蒸錦樹鳴雨過華軒檻近
浮鷗接庭深乳雀誼將求卜居意相對已忘言

贈周文都

君乘別駕車南征千里餘子爲燕市客歲杪意何如日隱
川原暮江涵雲水虛新春見迴鴈知有秩陵書

寄華山人

山人歸薜蘿迢遞兩年過道遠情無那秋來興若何隰霜
收早稻江日曝寒蓑不見雲中鶴空傳招隱歌

贈何子元二首

飲馬長城密秋風隴水鳴旌旗連朔氣笳吹咽邊聲鹿塞
胡霜白龍沙漠月明共嗟班定遠身是一書生
萬里窮邊使三秋出井陘金鞍裝寶絡班管代青萍吏識
終軍貌人瞻博望星歸來市駿馬持節報明廷

行子

行子到京舍故人消息傳釣魚吹臺下築室黃河邊插架
餘千帙傾囊有一錢古來賢達者往往在林泉

彥卿垂示省署述懷之作次韻奉答

寂寂荒園午庭虛不下簾墨池經雨潤厨火隔宵燼壁溜
侵湘簾窓風動越縑漼花親汲水童子睡初酣

官閒仍地僻賓從少經過睡起看山立詩成對竹哦小塘
雲影亂深樹鳥聲多坐數秋期近雙星欲渡河

過雙泉寺馬文明別業懷寄

却過雙泉寺因懷馬舍人托交空有日爲別動經旬古澤
蓼花亂高原禾黍新秋風吹獨馬望爾一傷神

山中懷白巖二首

珂馬長安道趨陪幾見秋那知遷轉地翻動別離愁光祿
詩名遠客臺禮數優空山中夕夢長繞鳳凰樓

昔奉山陵使曾同虞殯吟鰲翻滄海變龍去鼎湖深紫極
瞻雲地清霄望月心蒼蒼松柏裏懷往益沾襟

懷昌毅大理二首

孺子南州彥詞華早擅場共憐廷尉府祗益簿書忙寶鏡
愁鸚鵡蓋車困驢驢何時一艇去與爾泛滄浪

齋房隱薜蘿野外少人過向月復誰語看山空自歌城孤
戍火亂地迥北風多惆悵離居夕相思奈爾何

白巖將赴北山供祀奉呈

賦客貪岩壑登臨思渺然出城看落日驅馬入秋烟
蘇綬陵門祭蘋香寢廟邊別來曾見說重補華山篇

張侍御過訪不值謝答

有客騎驄馬徘徊戀友生虛煩過茅屋實已隔山城野僻

蓬蒿滿園荒蟋蟀鳴空村中夕夢相憶倍含情

雪後尹亭小集有懷張侍御仲齊

樽酒故相約燕遊翻不同亭深寒雪在橋斷夕煙通白日
行歌裏青山別恨中夜闌車馬寂愁聽竹林風

尹亭夜集

憶共尚書飲蘭舟漾渚風芙蓉開月下簫管入雲中鶴唳
煙沙遠螢流水閣通重來值搖落無復往時同

晃晃冰上月稜稜沙際風寒星動木杪遠火露煙中城郭
千峰對園林一水通興移還野酌留賞夜深同

將赴靈巖午憩黃山店示同遊諸子

感時愁不極出野興仍高墟有當紅藥園林過碧桃水行
沙路軟雲卧石床牢更喜山翁朴忘形對爾曹

出黃山村遇霍子聞郡守章柳菴將至靈巖喜而有
作

路轉黃山店人逢霍茂才傳呼寺僧出五馬欲車來野水
村村響岩芳樹樹開浪遊雙屐齒沾濕破蒼苔

由張夏村赴靳庄望同遊諸子

落日過張夏黃昏投靳庄嶺半將犢下沙鶴避人翔石逕
盤青靄柴門閉絳楊同遊忽不見孤眺轉蒼茫

靳庄山館即事次張侍御仲齊韻

野館千峯對登臨日載陽山川氣紆鬱天地色淒涼未卜
三秋稼先傳二月蝗古村兵燹後搖落見空墻

出新村望靈巖寺

福地靈山表來遊春已深情知百里道虛抱十年心野樹
猶含色鳴禽欲變音化宮瞻望處煙霧繞青岑

逢賢亭有懷白泉王子詔蓋與余同遊泰山而余先

王子歸也

樹杪遊雲白風前落絮輕行螭上壁篆闌雀墮簷楹客駕
聊言息仙踪不可明懷人望東麓邈邈曙煙橫

春日卧病寄劉子希尹王子孟宣

我濟富山水人稱名士鄉兩生俱俊傑吾道豈荒涼紫禁
煙花地青雲翰墨場應須得高步書札報滄浪
老病東山客青春意颯然祇因愁不去翻與醉相牽草檄
懷公幹登樓憶仲宣幾時蓮葉裏重放北湖船

段村候成之愈憲

客子復迎客黃昏行古林短墻登吠犬列火動栖禽對露
三年夢維舟半夜心他時重相見佳話比山陰

東何內使粹夫

憶爾曾金馬予官亦瑣闌驚風一以振落羽遂分飛東郡
身仍屈西河信每稀傳經與抗疏心事兩相違

移榻

卧榻便幽賞，虛廊接暝移。樹雲低繞棟，堦雨下通池。病間琴相得心勞，硯獨知商歌激流。楚惆悵北山期。

贈蕭醫士

覽鏡嘆華髮，出門鄉路遙。客裝侵暮雨，歸楫渡春潮。草綠河陰細，鶯啼苑外嬌。荷鋤行采藥，遠似赤城樵。

贈方山鄭子二首

江東有狂士，結屋本深山。爲客風塵外，馳聲梁楚間。才聆捫虱語，忽作釣鰲還。予亦悠悠者，相逢愧爾閒。

好酒耻儒素，談兵蕩虜塵。深憐宋中客，宛似晉時人。到處不諧俗，一生長任真。因君感交態，多少白頭新。

贈伍文定太守移吉安

鞏洛移官日，荆襄過里年。郡符分舊虎，江樹聽新蟬。河內人虛借，關東政久傳。行經五柳宅，一爲吊先賢。

元旦

上日冥冥雨中宵，且未休薄遊。雙劍在羈宦，一身留養鶴。憐初志，暑龍悔壯謀。著書聊假日，元不坐窮愁。

寄無錫管尹

吾愛管明府，理民如昔賢。靜看申浦月，清飲慧山泉。惠化表三異，和聲流五絃。春風阻携手，相憶思悠然。

蕪水集卷三
三
荅松月伍中丞見寄

開閣俯江城懷人獨繫情碧雲空舊色黃鳥又新聲
劍在終相合舟閒且自橫鳳凰臺上月孤負一春晴

舟泊清江有懷交遊諸公二首

未暖金陵席還趨玉陛行漢儀欣再覩虞秩愧惟清
雨雪江南曲關山歲暮程臨分約歸候春服早須成

日射江流紫烟沙凍欲開臍從梅蕊破春傍雪濤回
北斗瞻星入東風應律催鷓鴣隔朝省不共上元杯

東朱柱史子宜

有美中甚彥聞名自國都豈知多難日識面在江湖
地入

王畿遠星分客棹孤霜威倘可借一爲保前途

齋居同月岩夜坐

寂寂槐廳晚端居感歲時雪消山色在寒退井痕知
白戰懷蘇老清齋伴予期坐來情轉逸華月照方池

賀承菴侍史省親還績溪

上疏天門北驅車海嶠東去留真自得心迹許誰同
詩入杜陵室官追桓典風壽筵家慶好花對白頭翁

汶上寄王工部舜夫二首

真擬湖邊會言從汶上過歲時鳴鳥變岐路轉蓬多
樹色連東嶽川流匯北河相思阻歡覲瞻望恨如何

幸不逢顏色真愁吐肺肝祇因哭子瘦豈是別家難雨麥
虛看秀風梅實抱酸病懷兼逆旅誰與一盤糧

寄陳石峯中丞

一別梁園雨五看秋草踈君爲烏府客我向白門居髮短
風塵裏心長老病餘江流日東下何處覓雙魚

出郭將訪希準郡伯懼暮而返却寄

駕言江口出却至水西還遠道空回首重門欲上關斷雲
低白鴈斜日近青山欲採皇華贈仙舟不可攀

和荅胡可泉郡伯

籍籍胡安慶新聲滿舊都詎知金馬客翻領玉麟符退食

還經史登樓即畫圖昔賢憂樂地元只在江湖

溪翁

未覩溪翁面中宵夢已先關山非逆旅舟楫是登仙鴈語
驚霜別鶯啼候谷遷烟波夕渺渺留恨滿江田

贈李都閩

好武將軍獨能文更愛君異勛江左策名關隴西聞散帙
臨秋水投壺過少曛長懷醉別處蕭吹過溪雲

奉荅王載卿方伯

菊蕊南山發荷華北渚船勝逢無節序佳句有雲烟列郡
謳歌裏滄溟覽眺前故鄉誰地主回首憶當年

寫懷

欲逃中夏暑暫止止江船夜卧對松月曉行披水烟佳期
渺天末良觀阻尊前相問各華髮遙悲青鏡年

再贈載卿

賓堂瞰水滸沙柳繫行船曷曷緯蘿月冥冥芳浦烟鄉關
百里外世事一尊前記取相逢地清河旅食年

戲贈張守公薦

錦水留工部任城卧謫仙古人多逆旅地主幾稱賢歲月
青楓外鄉關白馬前知章與嚴武君不愧當年

聞青石翟子駐節河口喜而有贈二首

長安相別歲陌上草淒淒碧水春風外青山晚月西君車
停海嶠吾舸繫沙堤豈料漳河飲同聞絡緯啼
外補人俱惜崇遷且汴臺不因盤錯試誰辨鎔鄒才赤日
開山霧黃河殷地雷凌秋泛槎去知向斗邊回

東王美卿萬戶

見說君家園新開夜合花暝雲含洞石炎雨淨溪沙想像
王郎劍遲徊漢使槎一尊虛舊約惆悵坐昏鴉

旅寓清源有懷故鄉親友

雨過雙松午雲陰覆閣長柳綢迎日擘芹燕落泥香碧水
通官舍青山接故鄉懷人不可見歸思轉蒼茫

贈宋醫

施藥漳河口 高齡髮未華 地疑京北市 人即宋清家 石壁垂金草 丹爐起玉花 願傳玄牝訣 交臂入青霞

雨中卧病谷來許以詩來問荅之

爾本將揚侶 吾慙程氏門 遙憐雪盈尺 何似雨翻盆 久病拋書卷 長齋閉酒尊 草堂霞色晚 好過一相論

重陽冷二守過訪留酌

九日逢知己 開尊傍水涯 壯懷餘白首 幽賞有黃花 日隱郊臺暮 雲連浦樹斜 未須論去住 乘興即爲家

徐園夜坐有懷

避暑將軍府 青青竹滿園 坐看臺上月 吟憶水西軒 螢火流煙度 蚊雷接暮喧 美人漳浦卧 何日奉清言

贈環峰王總戎西征

開府馳聲舊 轅門授鉞頻 日華承蓋轉 江色映袍新 去作鄖山雨 來經蜀道春 軍中人盡說 籌策妙如神

荅羅兗州

我抱文園渴 君淹曲阜城 中年俱抱屈 異地各懸情 永夜孤蟾色 新秋旅鴈聲 况聞吳楚變 漢帝且南征

寄胡文甫

不見胡文甫 七回明月圓 家林且如此 宦海益堪憐 碧柳

秦臺馬紅蕖濟水船往來餘百里同醉是何年

午日卧病有懷張王二子

棲遲仍舊國愁病且端陽白髮能相妬清尊漫自香壁窓
懸艾好溪迥入舟妨苦憶青驄客盃盃水一方

贈鄭少尹

我正雪中卧君從天上還節高元自苦才大可能閒浙瀝
聽疎竹蒼茫對遠山夜深拚一醉休當刻溪灣

贈劉希容

籍籍留京兆還家尚黑頭無心戀簪組有子紹箕裘月夜
樓中坐花時郭外遊不堪相訪地醒眼話離愁

懷王生

世業君平久狂疎老更添絕人吾豈好嗜酒子應嫌荷葉
翠出水榴花紅入簾晚當西牖坐山日映書籤

夜訪德宣不值

坡陀古堤上往來傷獨遊相違豈在遠一見已無由水宿
厭棲泊暮行多慄憂瓊枝不可即腸斷衛川流

寄徐進甫

城東徐孺子不見已三年鴻鴈幾時至音書誰與傳釣魚
寒澗曲注易古林邊遙想府中榻常因高士懸

過汴呈獻吉

兩年京郭居空望故人書五月梁園道來乘長史車川流
赴海急隰日漾沙虛欲訪漁樵徑蓬蒿不可除

夜泊漢陽却望武昌有懷矩菴

對岸武昌郭清宵回望頻離心繫舟遠旅夢涉江新積水
明疑晝浮烟藹似春樓空黃鶴杳延佇獨勞神

白泉王子居山相近

爾能耽野趣吾亦愛村居白屋情偏好蒼山畫不如桑麻
通雪徑雞犬接烟墟歲晚青藜在相過且校書

同王白泉步過北村訪孫胡二子

少日同門客山居晚共依孤村一相訪深樹鳥聲稀
白水

心跡靜班荆願不違蒼蒼平野際還望暝烟歸

谷子訪予別業

谷生憐我獨相訪到山家碧水孤村抱垂楊一逕斜野人
供白酒稚子飯胡麻坐愛殘陽裏庭槐吐細花

懷三屏子

北郭雨冥冥東山雲霧青三屏不我對九柳自吾亭短髮
嗟同病長歌笑獨醒臨溪俯身世百載一浮萍

送都玄敬二首

才高憐晚達十載尚為郎書買黃金盡愁生白髮長夏曹
分武庫秋殿別文昌木脫霜臯冷何人共采芳

驅馬別君處秋陰當暮生林柯無靜葉江鴈有歸聲綠水
閭門道青山建業城未能同理楫延佇獨含情

送陸子引

世業機雲後聲光博望前使星連禹服卿月渺吳天岸迥
山回枕泥香燕拂船壯遊應不負隨處有詩篇

送唐仁夫

象闕指龍洲天南海北頭島夷隨使節山鬼避行舟墓采
秋頻奠鄉看書錦遊歸期定何日瑤草思悠悠

送施克和

樓敞壁燈懸歸心夜不眠袖中懷楚玉江口泛吳船興寄

風人外名收國士前秋來消息好知向鹿鳴傳

送劉氏叔姪赴舉

雙馬飲溪流溪邊雨乍收方趨棘闈戰不比竹林遊禮學
傳三世家聲動九州太行山上月幾日桂花秋

送徐德章兼寄抗世卿吏部

迢遞延陵路新乘使者車國風收外史廟號布中書海色
宵征裏薇花午夢餘相逢杭吏部歸楫問何如

送范掾尉仁和

入仕得親懽舟行且問安青山越州路黃綬漢時官暑服
裁江練晨羞薦渚闌六橋三塔景公暇幾回看

送劉博之參政南陽二首

薊北才能會聲華早見收道高傳史部詩好入隨州別宴
當梅雨官程過麥秋江湖憂正切休上望京樓
津橋南渡頭落日片帆收冠蓋新方嶽河山古豫州樹深
燕市晚雲冷爵臺秋兩地分千里懷人各倚樓

送黃端州

春水泛桃花飄飄海上槎官崇先領郡親老一還家石抱
溪雲紫烟含嶺樹斜夜深登望處北斗是京華

送王秉衡歸省

津樹隱春艫林花集暮江天涯歸客遠堂上老親雙捧日

心常切看雲夢未降閒來書諫草誰與坐山窓

送曹元孝監河之徐州二首

水部移舟楫臨津問所須離心漢宮柳幽夢楚城蕪雁迥
雲重覆花寒地一隅吟詩坐東閣誰與整水壺

石閣延春望洪舸送酒須斷蛇荒澤徒戲馬舊亭蕪碧樹
通江徼蒼烟接海隅三山不可見休更問蓬壺

再寄其子毅之

相尋空繾綣相別太斯須一去青門道幾回生綠蕪文章
傳海內消息阻天隅歲晚登高憶勞歌缺唾壺

藏六軒夜別東卿

到寺鍾初寂高城夕滿暈閣雲昏冉冉庭雨凍絲絲留客
燈前席懷人海上詩樹鴉啼不斷歲杪恁相離

贈周子庚使遼左

翩翩鳴玉珂千里渡遼河爾本詩書客寧聞鏡吹歌立朝
同汲黯出使比蕭何莫厭貂裘敝霜風塞上多

簡別華文光同年

朔野北風起沙蓬飛不休端居念行客明發動歸舟古堞
鳴禽暮虛堂落木秋重來不相見離夢轉悠悠

送華文遠

早蟬鳴樹頭歸棹渡江秋孝子祠重建徵君傳已脩淚痕

餘亭袖身世一弓表不學龍門客逢人說遠遊

送董汝淳太守之楚雄二首

詩人重出守萬里一朱轡苦節留三郡英聲振五言山深
夜郎道花亂武陵源月下勞相憶清秋幾處猿

井鬼占星地滇雲問路時嶺暄秋瘴濕江遠暮帆遲竹弩
迎津吏羶裘拜島夷課耕還吊古應到孔明祠

別顧華玉同年四首

問訊金陵客南歸近有期馬行沾雨慢蟬響入秋逢水稻
供慈膳江綃製壽帷閒居賦成後曾見幾人馬

落日長干渡西風短棹過故人歸後少秋草望中多謝墅

荒碑碣吳宮闕綺羅趨庭休澣外臨眺意如何
官署依鄉土幽求滿素心窻臨逸少帖墻掛宓生懸種藥
開春徑看雲坐晚林避名名轉出休愛碧山深
達人氛垢遠流品自應殊駿櫪分天廐鸞巢托省梧菖洪
勾漏尹阮籍步兵厨未識圖南志相逢說著書

送秦用中邑博得鹽字

殘溜滴崇簷離杯雨夜添儒官歸鄭老詩客去高蟾調燮
囊琴古光溼匣劔銛昔賢身未達多少在魚鹽

芮令尹之興寧

萬里惠州去旅情應獨傷暮雲平嶺暗秋草鴈池荒古跡

懷蘇老清吟和李綱遙憐蠻聚落從此識甘棠

贈別三首

相逢不忍別相送思悠悠風雨一宵話關山千里愁暮潮
通極浦寒燠逐行舟短髮年年白重看是幾秋

早葉乍辭林晚蟾初罷吟入秋鄉國夢垂老故人心道在
寧湏祿官清尚有琴城隅分手處惆悵水雲深

獨持文字印遙泛木蘭舟古驛尋京口寒城過石頭誦聲
分館夜吟思捲簾秋欲問前朝迹青山是蔣州

送孫志同經畧居庸二首

寶劔青驄馬秋高出塞行田公新受律武子舊傳兵鼓角

邊雲慘旌旗海日明穹廬莫南徙中國有長城
馬出燕關道人如定遠侯眼空胡虜氣心繫廟堂憂絕塞
蒼烟暮荒山白草秋軍都城下過懷古一登樓

送朱文表

關河積雨晴千里一舟行庾廬司農計山川故國情古碑
尋矜子芳草識聊城想見登臨處遙心覽八瀛

送楊生

相見十年外相尋千里餘青矜子老大白髮我何如涕淚
丘園草風塵故舊書別情那可憶雲月曉窻虛

送王載卿

萬里雲霄使三秋澤國船冰霜消嶺瘴旌蓋麗江烟國賦
徵求裏民風奏記前獨憐詩社冷一別又經年

送李愈憲維之北上

桓興乘驄日相如卧病春傷心一盃酒回首十年人雪暗
關山色風飄驛路塵郭西慵出餞愁見柳條新

送王君寵主潼津驛

潼津佳勝地驛舍近潼關立馬看河水開窗對華山安懷
登覽際官守送迎間倘見三秦友傳予鬢已斑

送劉文振宰驛華山兼寄汝公太守

我抱遊秦志君今先我行一杯同出廓千里獨含情雨入

新豐晚雲移少華晴寄言來郡守 天子近知名

邊華泉集卷之三

邊華泉集卷之四

五言律詩

送李司務思善二首

可惟皇華使相逢九日過地偏秋雁少天迥暮雲多北渚
青簾舫南山白玉珂未能同一醉離別思如何
蘇門形勝地往歲憶經過書院青山近仙潭空鯉多月中
攀古樹雪裏並遊珂六載重携手清尊奈爾何

送殷近夫謝病歸壽張二首

論交方恨晚爲別更匆匆風雨深期阻山川幽恨同杏田
溜水北草閣汶陽東鄉路元相近清宵有夢通

並居城下陌經歲往來踈薄宦惟多病窮愁有著書春山
懷紫蕨夕浦悵紅蕖去去仙踪渺何人伴索居

送徐德章乃翁

春看燕市花秋返晉陵槎水樹侵沙潤江樹隱驛斜夢依
南國近書寄北關賒坐惜薇郎苦遙心附海霞

送于時宜

行子對新月臨堂酣且歌客衣寒未減鄉夢日應多魯甸
封春草淮川渺夕波芳音托回鴈迢遞柰情何

留別王生

天際陰風起浮雲似馬行飛揚亦何意離別祇關情古岸

垂楊合長河暮色清何時畫舸背樽酒說平生

送王演之二首

送遠臨河淚蒼蒼夕景微雲山望不極書札到應稀磧暗
風沙起春長旅鴈歸秦關百二阻何處換征衣

驅車度宛洛歸路及春深杳杳還家夢悠悠去國心青山
臨古渡白日下豐林憔悴逢漁父應爲澤畔吟

送矩菴中丞

荆楚連年旱今冬雨雪頻膏融厚土徹綠迸早禾新烽火
千山息謳歌萬室春中丞調燮手爭道捷如神

別伯玉

君行不見相臥病對春風
世事浮沉外交親感慨中古臺
燕郭暮流水晉祠空他日歌
招隱青山有桂叢

送友

十里黃岡道萋萋露草繁
青驪將客子白日過鄉園
水國春先到雲程鳳獨騫
行看魯儒化流澤被元元

贈別齊子

風度與桓典勲勞更伏波
明珠騰謗巧聽馬避人多
白日就長道清秋凌大河
非關燕趙別相送一悲歌

送劉希尹入高邑省親

朝夕夢親顏驅車西出關
青雲深魏闕白日照恒山
爽秀

城池古人居井邑閒秋風
扇枕暇壁水遲君還

送伯川子歸吳二首

東門嘶馬去幽志幾人同
問寢歸吳苑含香別漢宮
關山雙寶缺江海一秋蓬
欲覓南州信時看西北風

舊國江村外清川繞舍流
空聞賦招隱不得泛同舟
雨暗膠山寺花明愛日樓
遙憐相憶處落葉薊門秋

送陶良伯使魯府

天馬玉花驄騎來天厩中
言經汝陽道却過曾王宮
岱嶽浮雲外蓬萊碧海東
飄飄鸞鶴侶仙駕與誰同

送楊純夫

天府通新籍，昆陵返故居。三春辭北闕，幾日過南徐。岸柳陰陰接，汀花冉冉踈。江流日東下，何處覓雙魚。

送趙體仁侍御改官

問子今何適，時危路且艱。豺狼潛未及，驄馬去難攀。曠野雲藏日，秋林水接灣。病夫門不出，心度萬重山。

七夕夜雨送父回家感而有作

感懷逢七夕，况是別翁時。天上夫妻會，人間父子離。夢疑青鳥下心逐，白雲馳幾陣。芭蕉雨蕭然，髮欲絲。

送張仲齊侍御還京二首

上國埋倫後，東山攬轡初。世方驚豸角，吾已識龍顱。古柏

凌蒼漢，清冰照玉壺。千秋桓典駕，驅逐有人無。

繡斧明霜日，川原指顧中。才真堪作雨，名不愧觀風。狡兔移山窟，玄狐隱棘叢。城隅一片石，他日比羊公。

送張廣漢中丞觀軍留都二首

聞說狼山下，江波帶血流。中原初息戰，諸將各封侯。草綠西興渡，雲生北固樓。經過吊陳迹，春日暫停舟。

二月金陵道，中丞擁節還。日光搖組甲，春色映江關。國壯軍容整，時平武畧閒。坐看龍虎氣，長繞鳳凰山。

送陳國克內弟赴京師卒業

千里携書劍，觀光入上京。外親無我厚，宅相有君成。細雨

官河暗垂楊客路平承家仲氏在休戀倚門情

送韓石泉赴德州充運

細雨空城暮游雲散薄陰落花春晚色芳草病餘心
官曹近秋生國計深林中與水次誰伴獨行吟

留別柴子

相憶恨長道相逢驚白頭又爲千里別還作幾年愁
故舊天涯少勛名世上浮不堪風雨夜虛館對新秋

留別張西盤大叅二首

苦戀三秋別還爲十日留江湖宋玉感風雨杜陵愁
墜葉鳴沙岸寒雲抱驛樓河梁阻携手誰與賦同舟

滿酌豈辭醉未行先憶君山城稀見菊關樹不開雲
地入河源渺天連塞日曛那堪北來鴈偏向別時聞

贈張生下第還金齒三章

逆旅嗟同病相逢罷舉杯別期驚歲月壯志感風雷
路險三湘隔心遙一鴈催可憐蘇季子還着敝裘回

北風吹獨騎萬里向西南沅水三秋雨偏橋十月嵐
鮮碑懷蜀相花筆夢江淹好把山中屋重題捫虱庵

聞道棲遲地苔香澗戶幽嶺猿相日暮山月自春秋
詩畫稱三絕圖書富九流祗應嵇阮輩與爾得同游

送王子兵備江西二首

舊隱辭幽谷新章出漢闈
碧山留豈得芳草怨相違
簡拔皇心注升沉士論歸
傳聞拜恩日猶着賞功衣
盖拂匡廬過帆飛蠶澤深
三秋持斧日萬里渡江心
虎豹潛移窟牛羊廣出林
祗應臺榭下端坐聽鳴禽

送翟給事廷獻冊封周世子還朝兼赴昌邑省親三首

冊命臨中土恩華接上台
雪明朱閣麗風引翠簾開
漢使鳴環入王孫露冕來
星槎曙嫋嫋欣傍早春迴
登高逢歲晚把酒悵多違
塔日霜逾靜巖花雪且肥
家從東海過天向北辰歸
可道親心悅官袍是舞衣

諫客劉栖楚詞人陸務觀舌存應不慮盟在可須寒賦頌
名天下封草草夜闌稿成須寄我歸向魯門看

送楊希顏省墓還聞喜兼柬秦長史

劍裝喧鼓吹春日過鄉問
虜繞松楸遠心傷雨露餘
里門妨躍馬宮錦煥飛魚
若見秦淮海雁傳寄別書

送楊文紳司訓玉田

東郭漁陽路南風幾日程
客羶春草色僧寺晚鍾聲
山認盤龍狀州傳種玉名
關西舊衣鉢留取付諸生

送王景暘長史還周府

駟馬薰風裏中州路不賒
雨深梁苑竹春老汴宮花
親榻

分羹美玉筵設醴嘉五雲迴首地不似賈長沙

送揚伯王子南歸

孤舟風雨涼江客下江鄉歲月吟邊晚烟霞裏長釣溪
開鮮石書架拂芸香霜落南垓冷何人共采芳

送周司業祭掃還臨海二首

客夢驚霜露鄉程入渺冥地連霞嶠赤天接海門青澗藻
克新鼎碑苔蝕舊銘秋墟滿狐兔何處築思亭

赤闌橋上路千載一青衫家說編脩里人驚樂正銜聽泉
過萬竹看月步雙岩寂寞成均地春風早掛帆

送匡敬夫按貴州

歲晚神京別何時到鬼方雪迷山驛冷雲接海關長去住
新驄馬封題舊皂囊遙懷征戰地幾處有耕桑

送趙叔鳴監稅德州二首

蕭蕭征馬嘶送客過前溪故里別來久家書空復題青山
兩津道平楚衛河堤它夜幽尋處應知夢不迷

東赴海陵倉移家別帝鄉政繁輸轉地官古度支郎問寢
椿庭近迴舟蓼岸香秋來客愁少風景似維揚

送董舅氏

暑雨曉初晴山泉落澗清一杯燕市酒千載渭陽情隴月
牽遙夢江花伴獨行亂蟬無意緒爭向別時鳴

東阿留別無涯孟子

逆旅相逢地春殘花事稀同憐在遠道且復換征衣碧草
連村暗青山四郭園欲旋歸去馬還逐使君歸

送鄭雪齋秋官歸閩中

識面沉憂裏重逢旅病間應緣著書癖且作泛舟還雨色
含青柳江流繞碧山東門一尊酒咫尺杳難攀

送客

恠爾湖南使風江晚繫舟遙經十載別剛得寸時留素月
明寒浦蒼山隱暮流水鷗嗟未及雙泛寡離憂

趙麗卿豸史座留別限韻

聽雨罷彈碁蒼茫生遠思遙應白門柳飄蕩綠烟絲旅跡
江花咲歸心海燕知倚酣方戀別休誦渭城詩

別周子賢僉憲

身是外臺佐心蟠中秘書杜陵元自許桓典或能如夢結
三湘外神交十載餘同舟忽判袂愁絕廣川墟

送吳學正之留都武學

振鐸敷文教遷階得武庠講筵環胄子官舍接營墻樹隱
臺城古江連石埭長相期共臨眺嘉候及重陽

送別菊泉胡子

寒聲下木杪送子一醉辛白日川原淨高秋鼓角振來音

南苑雪歸憶上都春懶聽陽鳥發嗷嗷青石圍

廣川舟中與東橋酌別次韻三首

汴上一爲別漂搖十二秋那期衛州疾得並李膺舟月映
青山出波涵碧樹流接宵歡達曙不爲酒尊留

共脫風前帽還披月下襟乾坤萬里別江海十年心越鳥
枝難共湘魚帛易沉相逢畏相失延滯綠溪陰

愧我蕙葭質倚君瓊樹姿遙憐共飄泊且復咲栖遲秀句
推先達高言戒獨危江籬照雪月秋谷有深期

臥疾東別孫性甫二首

杳杳關河客盈盈一水間那因各抱病遂阻共開顏雨入

青簾細雲移碧樹間含情送暝獨時見暝鴉還

舊典司番禮新乘郡守車問名俱不忝選秩定何如父老
看行孟君王想諫書徵黃會有詔早晚下宸居

張秋官元德席上留別

春日江陵去烟花萬里途山川留故郢舟楫帶三吳樹影
湘流轉猿聲峽月孤郡樓登望夕天北是皇都

送曾世亭兵備赴蜀

聞道霜臺使親承岳牧恩山川增氣色草木籍生存拂暑
辭東郡先秋過楚門江臯有芳杜作意待王孫

鸚鵡武

珍鳥來清夏芙蓉避綠衣苦遭鴉並嚇羞與燕同飛整翮
身仍阻能言意且違何當即開鎖放爾隴山歸

東塢爲李戶部貢卿賦

舊塢濃花發新春旅夢懸醉吟朝雨後醒坐夕陽前摩詰
才堪比右丞輞川隨州句可憐劉長卿有花塢山禽傍精
舍來往正翩翩有辛夷塢

雪菴

大雪乾坤閉開窓且靜觀偶然同邵子不是學袁安數在
梅花得春從太極看憑將畫前易一問灞橋鞍

昌平館

寒食煙花暮傷歸復旅遊芳尊不相對華館坐悠悠月細
光疑晦山空響似秋老親垂短髮計日向西州

公館即事呈彥卿

赤日下庭角白雲生晝陰彌因吏喧屏轉覺道情深樹蔭
依鄰借虫聲隔水尋迴駭淹薄暝相違在同心

李月輝方丈二首

雞犬不聞音仙家巷陌深洞簫吹赤玉丹竈化黃金庭迥
秋花寂堦寒夕雨沉願傳方外秘勿使歲華侵
秋林積雨晦晏坐失朝曛地似通勾漏人疑是少君依依
歸洞鶴冉冉度窻雲預恐重來日花源杳不分

雨中憇雙泉寺

野寺臨官路山門俯近郊
閤虛鍾梵寂院靜薜蘿
密雨沉蛛網閒雲擁鶴巢
故人詩在壁惆悵隔衡茅

壁間李
子題詩

十六日再至寺

十日重來此登臨興轉幽
老僧烹石耳留客坐山頭
陰洞生雲霧陽坡散馬牛
翻嗟出城晚不值菊花秋

靜海寺

窈窕城連寺巉岩石抱亭
洞虛雲氣白屋斷草痕青
寶匣封宸翰珠花絡藏經
迴翔不覺晚歸馬傍春星

倫上人院晚坐次白湖韻

過雨禪房寂松筠一逕遮
梵筵青瑣珮香竈碧山茶
鶴靜歌寒水僧閒數落花
詩人類迂僻乘興即爲家

九日登千佛山寺五首

南山空翠律野老倦登臨
城郭千年迹雲霄萬里心
夕陰涵積水風葉下長林
短髮新來白黃花不可簪

亭午客先集憐予遲出城
吏當青塔候僧下碧山
迎奕譜傳新勢騷壇講舊盟
洞泉秋不冷好共濯塵纓

石壁青含雨松臺迥入烟
悶隨天上客閒訪洞中仙
菊采芬芳盡詩留酌酊篇
重逢倘萬一携手話茲年

窈窕寺門敞蒼蒼山徑微
風輕不落帽雲近忽疑衣
背領

丹楓直垂岩紫菊肥晚途喧葆吹輿醉出林霏
半巖風且急衝雨下山難醉後還騎馬狂來不正冠陰
南郭冥泠泠暮秋寒預想茅簷際迎門稚子權

十月六日遊千佛山寺

亭午登山寺淹留夕未歸涼風起高樹落葉滿僧衣城郭
寒烟聚樓臺暮景微京華十年客愁絕賞心違

入寺

共邀黃鶴侶來問野狐禪日出山中寺風鳴樹裏泉落花
空色相啼鳥伴幽玄莫叩輪迴事吾生自有緣

出寺

雞鳴春日曉鍾落上方幽樹濕雲猶住山空翠欲流酒床
隨客去詩草付僧收虛羨岩栖子塵鑣不可留

壽孫萬戶母

歲歲稱觴慶將軍此舊庭玉函開寵誥紗幔叩遺經徑出
宜男草簷垂婺女星白頭真入畫長對曉山青

壽程良用父

雅尚陶洪景風流顧辟彊名傳天北極家住水中央晚日
明花宴春雲護草堂髯郎歸節美衣繡出明光

壽文孔暘

壽域開梁苑韶華逼艷辰月臨春館靜花簇夜筵新鶴信

傳西母鸞簫樂上賓轉憐多病客高枕獨懷人

何圖樵壽五月十五日

勝地三茅北嘉辰九夏中壽尊浮海月樵唱落天風席近
紅榴艷庭深絳桂叢遙憐爛柯者仙籍會相通

題秦國聲爲廼翁早牧壽卷二首

江門閒起坐白髮照秋山花擁宜人珮蘭分稚子班天恩
來鎖闥星信報銀灣笑看東林鶴傳書海上還

池館山中舊風光畫裏新澗松同雨露江草自冬春犬吠
當林鳩花明隔水濱遙疑姓秦者莫是武陵人

壽康對山母

垂柳陰香車西園春雨餘壽多從入老身健欲凌虎紫鳳
雲中詰青鸞海上書近臣蕪色養何必賦閒居

壽高給事廼翁

老境真熙洽山中白日長鶴巢松樹古花近壽筵香几杖
榮朝典謳歌樂歲康卽君青瑣貴歸路滿恩光

輓無錫吳翁

錫山春日墓聞說塋鄉賢露葉迷蒿里風笳慘本田名高
懸榻後事定蓋棺前隴上清明月年年哭杜鵑

王憲司挽章

桓典聲名義相如詞賦稀世方驄馬避身已茂陵歸白露

涸原草流塵集總幃傷心庭下鶴時向月中飛

楊介夫喪母

楚客抱沉哀孤舟天際回恩餘五鼎食人開九泉墓古壁
機絲斷殘燈總帳開慈魂猶戀子夜夜夢中來

輓董天粹母

板輿遊樂地經晉復經燕豈料言歸日翻成永別年堂虛
春草合機冷夜燈懸欲問三遷事慈容隔九泉

輓謝都憲二首

太守驅車日中丞擁節年化行江郡美名在蜀人傳漆吏
悲移壑殷王惜濟川隴門雙石表何處立秋烟

人間七十載地下幾千秋無復青山到真同逝水流亂雲
籠閣迥啼鳥殞宮幽欲采蘋花真聞江遠帝州

輓張思紹乃翁

歸老身猶健游仙夢已侵鹽司官譽在豸服主恩深迢遞
碧山路淒涼嘉樹陰秋風渡瀘水客子正愁心

劉惟馨二親哀冊二首

祖謝感流光悲涼十四霜篋中無諫草身後有封章遺曲
傳巴里清風滿蜀鄉鳳凰原上木愁色日蒼蒼

相如駟馬榮毛義悅親情詎料終天別惟爭一日程機堂
總帷捲隧戶漆燈明欲識歸人恨江猿夜夜聲

輓海釣翁

山海關頭月春來幾度圓
杖藜無起日華表有歸年
寂歷遠遊道淒涼孤憤篇
朱雲不可見留檻漢庭前

蕭醫士挽詞

術妙軒岐上年垂耄耋
間烟霞成癖性松栢是容顏
濟物心常在游仙夢不還
錢塘江口月長照玉泉山

輓王憲副父母二首

露白秋郊迥風高宰木淒
深嗟墓門道猶有聘君題
隱跡龐公並詩名魏野齊
孝魂招不返應只在遼西

白首來官舍丹旌返舊山
有懷空色養無日見生還
暮草

春回碧機堂晝掩關
天涯有遊子腸斷舞衣班

題王臣指揮母挽冊

將軍懷母處堂屋對南山
香斷醴醴冷機空絡緯閒
暮花愁裏色春酒夢中顏
一掬長淮淚隨波去不還

輓同年程御史良用次見素韻二首

有志經邦國無憂及子孫
淒涼柱下史慷慨殿中言
髮已生離白聲還死別吞
空山一杯酒何日奠忠魂

新安新廟起聞子入鄉賢
古墓青山外秋風老淚前
乾坤英爽聚日月大名懸
誰續少陵語載歌驄馬篇

哭兒羽

阿羽生存日人呼聖小兒
虛疑渥注種實有鳳麟姿
學步先遵禮能言即賦詩
悼渠憐子夏休訝入官遲

湖上憶亡兒羽

往歲春湖曲嘗携稚子遊
花迎玉膚咲雲傍綵衣
流隔水時穿竹看魚數
探舟傷心獨來日烟月暮含愁

登玉丈墓

磊落玉夫子消沉歲月深
墓田餘數柳書屋有孤琴
掛劔千秋恨通家百世心
暮山荒草際登拜一沾襟

亡弟賦改墓述哀

墓汝已六載那期重撫棺
壯心原不死遺骨久應寒
石室

靈儀在銘旌粉字殘一爲同氣感雙涕夕沈瀾

上王氏妹墓

王郎呼不起吾妹亦泉臺
白日山頭下悲風樹裏來
有親差可慰無子更堪哀
歲歲荒墳土何人奠一杯

仲冬望日先隴述哀

矻矻銜石鳥悵悵棲月烏
雲霄雙翼倦天地此身孤
雪野無愁遠風揚着淚枯
一盃殘臘酒知到九原無

東村暮歸經羅侍御墓
緬懷知舊惻然興哀兼呈同

志二首

雲日蒼茫合東郊暮雪時
古墓斜落影青嶂迥含姿
澤靜

龍蛇遠山寒鴈鴛鴦親交半丘墓愁誦七哀詩
野色擁歸軒遙遙登古原田鳥啄素雪山鳥下黃昏近郭
寒收市荒祠靜掩門吾行有佳賞思與故人論

過王履軒墓

鬱鬱將軍墓蒼蒼松檜林斷猿千古夢歸鶴九原心地勝
河流抱門間草色侵承家有兒子文史富纓簪

幽寂

幽寂卧蓬戶淒涼懷舊吟鶯啼非故國草色亂春心落日
黃雲暮陰風碧海深嗷嗷北來鴈二月有歸音

對月感懷

惆悵東籬下西風酒一壺物隨秋漸老人與月同孤幻夢
疑蕉鹿塵踪咲網蛛寒蛩不解意唧唧嚮青蕪

送王廷珣分教東明

春日東明去西齋教鐸分羶隨鄭老座經授伏生文水煖
魚騰藻泥融燕啄芹有懷如我及看雨賦停雲

方獻夫讀書山寺

聞君讀書處孤榻寄禪林日抱左氏癖昔爲梁甫吟開窓
千嶂出隔巷一燈深獨有花龕月盈盈鑑若心

兩宿姚村二首

舊隴東城外新墳更在東川原相近接靈爽合潛通碧草

生秋石青楊。裊夜風茂陵山下路。來往恨無窮。
野逕來人絕。村居夜寂寥。牖燈方閃閃。庭雨更瀟瀟。墓土
空。親築精魂不可招。百年孤子恨天地。與同銷。

聞三平菊酒初熟詩以調之

愛酒苦無酒。避狂翻蹈狂。聞君新釀熟。色勝菊花黃。月夜
樓陰靜。霜天海氣涼。何當騎馬去。飽挹甕頭香。

故山道中二首

此山青可愛。岩嶂繞雲松。暫息野中駕。彌耽塵外蹤。石橋
今古在。香客往來逢。落日谷風起。依稀聞暝鍾。
素盞凌風轉。飄飄度石梁。田家始哺食。村店已斜陽。紅憶

山椒熟。青隣隴麥長。郊行亦何事。能遣世情忘。

辛巳元日止酒

草閣逢元日。悠悠一病身。碧山虛對雪。青柳自含春。罷接
屠蘇盞。長拋漉酒巾。相過見漁父。應笑獨醒人。

望雨

倚杖柴門底。雲峰引興長。驗霞從曙色。瞻雨過昏黃。柱礎
虛含潤。盆荷實抱香。空簷百尺溜。何日聽浪浪。

憂旱二首

欲叩蒼天意。悠悠默且玄。樹焦真可爨。井渴故須穿。碧漢
空秋水。鍾山靜曉烟。九重寬郵詔。何日下荒田。

亢陽厚土裂茲事莫言無旱貉久爲恠惰龍真惱吾未沾
三伏雨敢說九秋租瓊重雲霓望蒼生待一蘇

坐雨

密雲蒸短夜繁雨下清朝不救中田麥猶沾晚歲苗度窻
繞浙浙浮檻更蕭蕭咫尺蘇端舍衝泥未可招

八日喜晴

海門晴日吐春水坐來添喜入三農望豐歸五穀占野鶯
啼秀木江草映虛簾我病生嫌酒深杯且一拈

過北川周子庄

借問平陽守泉庄今若何樹稀鳴鳥散花亂早蜂多酒拈

封筮鮮漁魯胃薜蘿淒涼世交子忍淡一相過

正月十七日先夫人壽辰

此日吾親壽常年樂事多夜堂歌窈窕春綵戲婆娑永恨
重泉隔深驚六載過風前酌卮酒腸斷楚川波

過王生廬墓

赤日東郊午言過孝子廬草衣惟短杖土屋有藏書蛛網
苔侵戶蝸牆雨溜渠閔祠看只尺比德定何如

問信

問信陳州盜將軍有捷書真成枕上肉豈慮釜中魚殺氣
東連頰烽烟北近徐招招淮口檄將發故躊躇

盜賊

盜賊還奔突傳聞過白洋關河苦迢遞雲月復蒼茫賈客
回江舸居人競野航雞鳴戒同伴或恐犯垂堂

過姚村舊業村有先君子遺隴

里巷紛仍在鄰翁半不存午雞喧井落寒犬卧衙門側宇
天光入魏阡霧色昏百年桑梓地回首一傷魂

忽報二首

忽報楊開府新傳羽檄過未須憂赤縣且復守黃河去馬
定看疾來舟遂不多飄蓬愧生理終日傍干戈

豈料朝天使翻爲避地人去留難與決傳報恐非真碧樹

花爭盡清江水自春廟堂嘉靖日州郡轉風塵

龍洞山雜咏二首

寺繞層峯入溪通曲澗開八年千里夢七日兩迴來古壁
流烟色荒蹊疊草萊登高賦搔落慚愧宋生才

出郭始朝飯入山聞暝鍾自憐衰病久敢恨僕夫慵立馬
看群岫開尊對兩松誰能回白日眼眺且從容

丁字口北

海口潮初落片帆秋正堪斜陽飛鳥度微雨斷雲含戀闕
心馳北留人風自南一聲漁遂響鳧起江潭

鄂渚

鄂渚維舟楫登高覽洞庭地連秋水白天入暮山青望闕
瞻星斗懷人感鶴鶴漁簫向夕起嗚咽不堪聽

暮行

野色蒼茫合宵征問路頻馬蹄經蘚滑螢火度溪新鄉國
今何許家書動隔春遠村燈燭處簫鼓賽田神

逐客

逐客去已遠相思空爾哀不聞宣室召徒抱賈生才野竹
侵書幔山簷進酒盃梁園親識滿今雨幾人來

野風

野風吹荻葦寂寂楚江秋水氣寒侵幌濤聲夜撼舟古今

雙社鳥天地一沙鷗欲作懷湘賦官程不可留

泛江

沉舟成小酌半醉倚蓬看烽火偏西接關山直北寒渚花
春漠漠江日暮團團誰識荆南守思鄉欲掛冠

歸自北村

款款野中話依依川上情雨昏沙徑色風起暮林聲臨水
僕夫望呼予童子名柴門露遠火迴策興彌清

過北渚庄二首

野店長渠繞郊扉晝不開茅堂蔭榆柳沙路上莓苔白鳥
晴飛疾玄禪夕奏哀主人城市裏經歲幾曾來

渚老有高趣未衰先棄官心猶壯夫勇身且布衣寒雪裏
中宵坐燈前細字看不知東海上何日起垂竿

再過北川別業

負郭稻千頃青青遙入雲兒孫不解守賓客自爭分剡曲
舟慵泛山陽笛忍聞傷心碧堤柳猶映白鷗群

題白泉王子壁

吟興復不淺村中無酒家圍雲深映竹墟日半籠花石欄
啼黃鳥溪泉擁白沙晝眠兼夕坐非爲惜年華

卜山居城有作

久定華山約今來始卜居夢遊曾屢到心賞復何如圃巷

環高柳淵泉抱古墟從茲簪與紱當有絕交書

過湘王故宮

舊日湘王府淒涼百歲多堞荒秋薜上樓殿夕雲過廢園
穿孤兎深宮散綺羅同行有詞客閑詠黍離歌

過故山人園

園囿碧山隅山人此舊居豪華非往昔冥漠意何如古木
巢寒鳥殘陽隱廢墟傷心醉遊處猶有壁間書

家豢鸚鵡爲狸奴所斃予傷之賦短律二篇書呈同
志期有以慰我也

爾本能言鳥羈栖誤此生衆方憐彩翠天苦忌聰明月下

離群思花間喚婢聲居然成往迹留架在前楹
轉架藏身捷臨窓命食嬌愁來真可掬魂去竟難招露井
流音寂風堦落羽飄醉翁元好寢爲爾立清宵

石橋驛南觀漲

夜雨山水發奔濤盈澗流石梁嗟已斷何處覓方舟水路
緣朱坂餘暉映綠疇登高西北望隱隱見昭丘

由魚料驛登岸赴荆門

驅馬麗陽界荆門途不賒平田飛野雉積水亂鳴蛙日下
西山暝江懸北斗斜荒村逢故老停蓋問桑麻

白漢江泛舟過宜城遇風雨大作

短棹驚洪河川行憂畏多轉憐時役苦無奈旅程何霧黑
江龍鬪雲腥岸虎過黃昏投古驛從此順風波

自峴山趨赴襄城不及門遂宿漢江驛

黃昏峴山曲征馬倦躋攀雨過蒼林外虫鳴廢井間斷崖
成聚落深巷隔塵寰古驛懸燈候重門未上關

登仲宣樓次韻陳矩菴中丞

岩岩南郡樓到郡此重遊島沒雲中樹天浮海上漚旌旗
連戍色鼓角動邊愁萬里看西北蒼茫見帝州

江郡啟雲樓東南據上游日華浮野雪霞彩散川漚俯仰
悲千古登臨起四愁王師神且武何日靖西州

荅西橋大復二君

丙子之歲客游兩河辱劉何二君聯句惠寄庚辰
仲春屏煩抱病林居值雨檢覲前翰悵焉起懷步
韻二章爰申情抱云爾鳳禪音旨豈曰同哉

憶在中州日曾傳上苑歌暮雲千里隔春草四季過漢殿
仍金馬秦關且玉珂報草慚獨晚才力謝羊何

懶性真成癖哀吟不當歌田園自開闢城市少經過雨卧
山迴枕春行柳拂珂馬周頭漸白無日見常何

贈劉介夫舉人歸金鄉限韻作

雲日晝冥冥幽人過草亭客衣寒映水歸騎晚侵星雨外

山逾秀霜前柳上青醉翁多晏起行李暫須停

疊美字韻再別承菴

釣魚特作羨載酒出山城曉雨陽關恨春風故國情登臺
悵予獨戲彩羨君行忍聽碧林外蕭蕭歸馬鳴

送客

知君意不淺追送獨綢繆文字真吾契河山且故州水雲
虛映日風樹碧含秋嶽頂傳詩在誰將片石留

邊華泉集卷之四

邊華泉集卷之五

七言律詩

送章太守朝覲

十載鄉山路不平。年來吾亦羨吾生。
春回麥隴見鷹化。月出花田無犬驚。
湖上野夫真浪迹。濟南良守合垂名。
古亭相別戀攜手。日暮風烟含遠情。

送王涑江

燈火虛堂縮夢魚。月明烏鵲繞棲枝。
真愁遠道無書札。不信殘冬有別離。
江甸綵舟迎早燕。關山驄馬戀芳岐。
情多未有瓊瑤贈。醉折風梅傍雪籬。

登天津拱北樓

古今形勝天津地。晚暮登臨春事幽。冠冕八方通禹貢。河
山千里控神州。風連碣石烟沙黯。日倒扶桑海色流。老病
獨懸戎馬涕。俯身疑在岳陽樓。

寄亭溪

梧桐覆井陰陰葉。蟋蟀鳴堦細細音。中夜有懷孤月迥。九
天無夢五雲深。真慚棄置逢時幸。敢負平生許國心。立馬
送君還憶遠。似聞巫峽氣蕭森。

昭君出塞圖

帝遣才人出漢宮。遠投殊域為和戎。琵琶晚映蛾眉月。箜篌
策寒吹粉面。風終夜苦心懸。北斗隔年歸信託。南鴻胡鞍
倦倚聊成寐。猶在長門女伴中。

雪中次錢江樓憲副

兩歲高堂輟問安。每逢新臘恨漫漫。身如野鶴真無倚。心
似江梅苦抱酸。衣線細留春草怨。總燈深掩雪風寒。他年
奉檄堪垂涕。毛義從來不爲官。

起居深借鵲巢安。著作從教醬瓿漫。逢暮歲華多客感。清
脩家世本儒酸。春潛水市晴烟碧。雪抱山城午日寒。且欲
醉眠歌習隱。不須章表乞辭官。

再次錢江樓

布被藜床雪卧安。草堂幽迥夜漫漫。有懷真愛故山好。多興不辭村酒酸。衝曉觀林梅恰放。趁暄行徑石猶寒。長鏡短褐無人識。白髮清朝老諫官。

久雨喜晴

已判宜真過此年。忽從中夜覩青天。雲移北牖星河近。月上東林樹影圓。遊興不愁村徑滑。賞心多為渚花牽。朝來擬蠟登山屐。見說西峰有謫仙。

雪中

醉眼看餘密。復踈曉風吹散亂。如初一尊相對興不淺。孤鶴伴吟行且餘。橋滑可須羸蹇。度泥深同感落鴻書江梅。

岍柳俱含凍。六管憑誰借一噓。

禱雨

久祈甘雨集靈宮。赫赫驕陽勢轉難。月馭漫曾離畢宿。雷車空自繞仙壇。巡簷下潤肯看礎。望極占雲夜倚闌。迂腐似聞天鑒邇。古來王者必求端。

除日次蒲汀李少宰韻

建業新春入故年。異鄉懷抱各悽然。三千道路滄江外。五十光陰素髮前。名重正須推北斗。藁成應更續南銓。鄰西只尺鶯遷地。守歲同歌伐木篇。

元日次蒲汀二首

星紀初迴日再元海風吹霧起晴暎五辛遙阻荒墳薦萬
里空傷久客魂臨水穉芳爭島島出林幽羽故喧喧歸田
喜卜中宵夢擬辦囊封乞王恩

栢烟松火萬家同柳徑楊堤入暖風九陌管絃存舊俗六
朝山水見遺宮交親隔舍追隨裏歲序驚心感慨中且喜
甕頭浮綠蟻不須囊底覓青銅

人日喜晴次蒲汀韻

人日舊京雲日麗鍾山龍氣鬱開祥腐儒推枕病忽去野
老占年懼欲狂即起戶簾通紫燕早聞宮樹轉黃鶯多情
杜甫緣何事解道他鄉勝故鄉

次蒲汀二首

春朝飛雪舞風迴穀日中宵起迅雷臘後不教滕六出蟄
前那遣阿香來深江滿浸遺蝗種厚地潛驚律管灰借問
化機誰轉幹只應天附近三台

石城虎踞九關開鍾阜龍盤亦壯哉地保金湯分表裏氣
通雲漢切昭回鎬京本是文王土太乙休誇武帝臺頭白
詞臣竊供奉兩京清秩去還來

端午

樓船不近打魚磯簫鼓中流聽者稀遙想紫宸頒制豸真
漸清禁賜宮衣池亭映日榴開錦城郭籠烟柳蕩旂傳有

湘江年少過蘭橈。應吊屈平歸。

人日有懷白巖侍郎

去年人日題詩處。鄭氏茅堂春可憐。出谷早鶯啼恰恰。映風寒竹倚娟娟。隨鑿並入青雲上。解珮同歸素月前。此日寂寥驚旅食。坐看庭雪撫流年。

正月十五

城上旌旗閃夕光。城邊戈甲儼龍驤。郊門月上游塵靜。輦路春回細草長。千古再逢周禮樂。十年曾奉舜衣裳。行宮只尺天俱遠。愁見林鴉接翅翔。

中秋值雨

冉冉游雲護瑣闌。朧朧團月映江扉。停杯已負經年約。倚檻空思萬里輝。花雨廣寒真亦假。夢登天柱是邪非。臨風謾有乘槎興。欲訪銀河舊織機。

東村冬日同劉王諸子步歸

泱泱空原返照開。杖藜村逕暮徘徊。霜笛迸土纖纖出。風葉辭林宛宛迴。扶病可須重載酒。住家何必更登臺。青鞋布襪滄波岸。白石歌殘意轉哀。

至日恭聞車駕入都志喜二首

八駿長驅萬里翔。四方周覽一心勞。星杓夜夜隨黃幄。雲蓋喜喜護赭袍。朔野舊聞殲冒頓。洪都今見破宸濠。何人

議賞功居首。玉殿承恩醉碧桃。

至日連年帝遠征。今年至日喜還京。登歌想像聆周雅。振旅傳呼列漢旌。皇祚永占千歲曆。聖聰明照萬方情。靈臺舊職今誰掌。不用書雲紀太平。

立春日

多病逢春筆懶拈。艸堂高枕病垂簾。故人恰送魚酒至。野老不愁年歲添。冉冉雪雲虛照水。暉暉晴日乍經簷。御盃自笑還成醉。吏隱誰能得兩兼。

元日次灤江中丞

伏枕驚看歲又新。卧聽街市響啼輪。樽無白酒元因病。屋有青山不當貧。向晚雲霞偏弄色。得春梅柳故爭春。閉門可是其肥遜。懶效東西南北人。

再次灤江

玉座香烟護袞衣。綵雲飛處是皇畿。中朝地接千官擁。北斗星懸萬國依。波煖御溝春浩蕩。日臨宮樹曉雲微。自憐朱紱淹鄉土。不拜青陽入禁扉。

春日王監察天宇過訪留酌二首

豸冠春訪薜蘿衣。晴日池臺燕子飛。心爲感時偏耿耿。話因談舊轉依依。閒過別院題青竹。却望南山指翠微。欲問野夫棲隱處。九槐溪上一柴扉。

笑我貪書日苦辛。愛君風采是埋輪。青驄獨繫垂楊晚。白
屋長甘舊業貧。千里海邦開雨雪。萬家山郭轉陽春。回駢
却傍黃昏路。蘿月纖纖喜近人。

寒食郊行

來家曠前春。可憐空日遲。日起晴烟柳。枝嫋嫋。翠猶弱。花
蓋菲菲紅且妍。荒隴歲時還俎豆。短牆兒女正鞦韆。青年
竹馬歡游地。華髮經過思惘然。

午日

五月五日正陽辰。四十六年衰病身。天上風雲同際會。水
邊魚鳥自相親。嘯歌獨得酒朋喜。踈散屢遭官長嗔。睡起

竹林溫雅頌。綠蒲青艾晚撩人。

中秋述懷

銀漢星稀玉宇秋。夜深乘醉倚東樓。天香不見雲中下。槎
影空傳海上浮。狂有篇章酌歲月。懶無書信答交遊。羽衣
歌罷蟾光冷。獨送西南萬里眸。

九月八日漫成

蕭蕭秋逕晚霜餘。寂寂風簾向月踈。濁酒旋沽還對客。小
樓翻蓋且藏書。雲邊露白鴻猶去。棟裏巢空燕不居。欲向
寒花問生事。爲誰收卷爲誰舒。

奉次畢司空與客對奕謝荅張侍御惠酒之作是日

司空招予出城不及赴

灌木陰陰曲繞塘水風如雨細生涼繡衣家醞携乃兼至太
傅園棋興轉長簷高脫移文石靜倚樽秋泛露華香爛柯
欲步王樵武惆悵仙踪隔苑墻

清明日劉黎一子携酒過訪

美人常苦費招尋咫尺門庭萬里心手簡忽隨雙鯉至肩
輿先造百花深霞通苑榭明春柳雨過橋山出暮岑對酒
似聞清廟瑟一歌三嘆有遺音

官舍勞君載酒尋病多無奈踏芳心孤亭歲久青松老曲
徑春殘碧草深友義昔曾稱管鮑詩名今豈下高岑黃鸝
紫燕如知喜並無雙飛接好音

歲除禘祭以病不與奉荅同寅白岩見懷之作

木榻香寒篝火融暉暉殘日隱房櫳天涯風俗追隨裏歲
暮陰陽感慨中井幹不消經夜雪堦萱猶發故年叢端居
最憶東朝士俎豆從容未可同

冬至長陵卽事

中峰隱隱下朝陽復嶂層崖啓曙光觀闕昭迴森象魏河
山表裏奠金湯陵門月映千年樹寢殿風飄五夜香長至
祠臣竊供奉擬書雲物紀靈祥

九日雨中登樓

八月黃河擬泛槎。爲憐重九一停車。登樓恰對冥冥雨。行
徑稀逢采采花。蒼樹破雲秋寺迥。碧山當檻暮城斜。鄉園
客路俱愁寂。傳語遊人漫憶家。

元旦

歲首江南久客身。宦情寥落道情深。極知佳麗非吾土。且
喜逢迎有故人。城上雪痕經臘在。水邊梅蕊覩年新。呼童
早蠟登山屐。莫負陶家漉酒巾。

癸未元旦泊龍江關

海日蒼茫隱石城。正朝雲物半陰晴。暮年歲到無親故。舊
國書來有甲兵。青柳白梅俱在眼。渚鷗沙燕亦含情。同舟

楚客醒相對。坐待春朝百感生。

二月一日候朝是日予祖母壽辰

燈火春城漏下遲。薄羅寒透五更時。鶯遷上谷聲初轉。花
隔東風信未知。仕漢恩深慚壯業。報劉心遠滯還期。天街
望處無端喜。南極光連北斗垂。

萬壽節

綵仗凌風啓曙烟。翠華含日俯晴川。遙憐外圃稱觴地。恰
是西江獻捷年。擊錫共懽恩似海。凱歌齊祝壽同天。微臣
亦有迎鑾曲。願奏君王玉几前。

郊祀齋居

春樹扶疎夜色輕坐深齋沐軫遙情上清真氣通三界太
乙祥烟接兩京雲裏珮環鳴閣道水邊星斗照臺城江湖
魏闕瞻依切欲草甘泉賦未成

獨火琴張伴獨居月華遙上閣簾初懷人忽夢春塘草侑
食聊烹雪苑蔬南牧犬羊時有報北來鴻雁久無書玉笙
聲裊爐烟細懶聽信官說步虛

少宗伯趙類菴

省署行雲接禁廬戒嚴齋沐共端居簫韶恍惚聞仙樂夢
寐依稀奉屬車台斗上公蒼玉珮閣風仙子碧霞裾六年
嘉靖明禋禮合有淮陰太史書

淮陰人

坐深齋閣五更天起立梅花細雨邊自保一心惟對越敢
云三禮是精專形骸已覺非前度風景猶疑似去年啼徹
曉雞清不寐更呼童子爇爐烟

齋居

琳宮仙梵栢森森祝聖欣同海內心萬里廟堂懸念切十
年侍從感恩深閒愁似雨踈還密世事無端古又今却憶
講筵供奉日已知迂拙負綸音

郊興

禮臺玄默戒宵眠職在寅清典訓傳深院鳥驚風起樹九
衢塵靜月當天箭沉宮漏泠泠水屏映鑪香細細烟孤坐

擁衾聊假寐。夢魂依約翠華邊。

中元陪祀孝陵

千谿環合萬虫吟。陵邑秋回碧草深。香度石壇雲掩籥。鐘流山殿氣陰森。乾坤聖祖經營力。霜露文孫感愴心。惆悵禮臺供奉客。黑頭今已二毛侵。

入壇馬上

樓頭鍾散曙煙微。城上旗翻曉日暉。雙馬共依南陌度。群鴉爭入上陽飛。離郊薦歲先農事。甲帳屯雲護帝畿。三載太常無寸補。敢言身跡與心違。

齋居候駕

園丘圍繞萬松青。石磴縈紆憶舊經。乘月試觀仙陛樂。倚風遙聽屬車鈴。力堪供奉丁年健。心到齋明午夜醒。欲效杜陵歌大禮。書成誰爲達皇扃。

寄秦鳳山少司徒

靜依高閣撫香芳。萬里霜雲接塞長。南郭雨晴山自碧。北風香到菊猶黃。羞將老病干明主。幾對琴樽憶侍郎。莫枉高情賦招隱。水東籬落未全荒。

奉寄白巖太宰

一拋簪組別朝行。四見青春日載陽。敵少更無臨爲苦。心閒惟有看山忙。塔蘭過雨娟娟秀。庭柏凌雲矯矯長。龍氣

夜來西貫斗。冶人遙識是干將。

春日有懷空同李子

南中數枉故人書。北上蹉跎信轉疎。四海酒盃形影外。十年詩草夢魂餘。藏身笑我同方朔。作賦憐君過子虛。春入吹臺芳草徧。塔雲樓月近何如。

寇中丞北撫宣府

雲州烽火入雲中。愾敵知君久在戎。追北遠勞燕將出靖。和行與漢時同天。從上谷分邊界人。自東山識謝公。瓌重廟堂柔遠意。禦戎元不重奇功。

守邊猶得近邦畿。亞相權兼大將威。烏府月閒關月皎。戟

門秋靜虜塵稀。探兵入塞無傳箭。勅使臨戎有賜衣。聞道六龍巡幸所。至今常見五雲飛。

荅函山希尹

吏曹清雅復誰如。三載淮陰遠謫居。豈謂風蓬歎流轉。久從霄漢擬遷除。子平實有歸田賦。公幹虛傳卧病書。乘月共憐霜燕起。悲鳴猶是落絃餘。

荅蒲汀問病

曲寢真應鬢髮如。傍人虛擬好端居。走庭風葉從搖落。繞榻霜英倦掃除。日下紫雲徒有夢。海東黃鶴久無書。玉堂知舊勞相問。五十三年老病餘。

春日寄南曹故人

白門楊柳石橋邊，尚憶金陵吏隱年。
獨夜有懷通夢寐，五雲迴首隔風烟。
鳳凰臺古江應繞，鳩鵲樓高月自懸。
省寺古人元不少，南音誰附北鴻傳。

寄岳丈胡公

雲卧東山榻已牢，夢魂稀入紫宸朝。
誰言駟馬如高枕，未許黃封勝濁醪。
移艇日陪漁父坐，杖藜時赴野人招。
滄浪歌罷康衢舞，白眼青天興轉豪。

石橋驛逢詹進士赴京

六年雲卧別京畿，萬里重來舊侶稀。
紫陌已無塵可拂，玄

都惟有燕交飛，尋芳上苑花迎珮。
待漏東朝月滿衣，鄉土尚留司馬跡。
駟車他日看榮歸。

贈毛東塘

豪雄氣蓋三千界，按部春回幾萬家。
風采獨教天下想，文章偏得士林誇。
耶溪飲興芙蓉棹，閩嶠詩情荔子花。
應憶舊遊驚物換，梁臺新柳欲藏雅。

八月八日太常例不習儀，五鼓起坐有懷成均諸公。
爽氣侵簾夜轉森，懷人空抱雨中心。
漏沉壺水彤樓迥，燭映軒堦碧草深。
自分巢由須屬我，共傳堯舜是當今。
鳳凰池上明良曲，林下應聞大雅音。

病中贈東塘先生歸

驛亭春柳曙陰陰送客聊為黃鵠吟歲月祇堪驚聚散路
岐何必問升沉風行西下論兵地日鑒東周品士心醒眼
未開涓滴酒病懷離緒海同深

秋官劉美之使還居接待院出訪

行盡梁河與汴山杪秋南出暮春還極知風采元無比莫
恠馳驅不暫閒城繞亂蛙青草路寺臨流水夕陽灣詩壇
舊駕高千尺一榻清風喜重攀

王舍人招予不至坐客聯句見促馬上

晚來扶醉過城西路出迴塘復渡溪座上多情重折簡社

中詩好預分題青穿石逕苦新破綠轉沙堤柳欲迷瘦馬
未前心已到却從何處覓霜蹄

奉荅白岩諸公見懷聯句

暝鳥催歸出寺門長安風色已黃昏林塘只隔水西渡溪
徑故妨花外尊皇列瑣垣占聚榻月斜銀浦怯迴轅清宵
咫尺懷人地海北天南未可論

奉贈儲柴墟太僕閱馬山東二首

龍陛香烟曉曳紳雞聲催發使車頻維揚城郭鄉心遠魯
衛山川客路新天下可應無駿骨鞭頭猶見說烽塵風霜
處處逢搖落誰識行襜別有春

簡命爭誇出使榮
離筵深坐梵堂清
同憐宦客翻爲主
却喜山僧亦與盟
荒甸曉鍾淮海夢
秒秋烟樹薊門行
何昔相憶不相見
鴈月梅花二月鶯

坐上奉贈白岩少卿

淮陰廟前沙路微
井陘口下行人歸
丘園別後青松老
關塞經過舊壘稀
駸駸羽騎聯春甸
隱隱山城啓夕扉
却顧太行應嘆息
十年空望白雲飛

贈殷文濟

幾日逢君即送君
客堂卮酒不成醺
途遙共說須加飯
病起誰教却避葷
鷺月啼鳥還繞樹
向風離馬亦嘶群
同心

落落京華少寄我
音書莫厭勤

九月十四日夜訪馬尚寶文明不值

門巷陰陰暮雀飛
北城燈火望熹微
可憐明月映疎柳
更喜秋風吹客衣
寒露始零鴻漸少
重陽却過菊猶稀
子長素有登臨興
何處淹留樂未歸

獻吉留別

初春郊甸積雪滿
客子出門岐路長
征車杳杳去不息
關柳青青愁未央
却望泰山懷故道
即歸梁苑亦他鄉
十年京洛交遊地
日夕風烟思渺茫

寄劉銅仁

地闊天長柰爾何春風門巷少經過
遙憐白髮星星短無那風塵日日多
懷舊獨吟平子賦感時偏憶少陵歌
江村細雨蘼蕪長是處扁舟有釣簑

月下贈孫生

月出東城光皎然踏歌歸去馬翩翩
風塵醉別三秋暮鄉土交情十載前
俠氣早聞探虎穴壯心時爲舞龍泉
長安九陌烟花地無事飄零又一年

書懷答吳東昌元亨

興如張翰在尊鱸愁似三閭屈大夫
桑梓旋開樵父逕亭魂稀到帝王
都病登山閣思黃鵠淚洒丘園掃
綠蕪群盜

不休戎馬亂厭聽州郡說飛芻

十月十三日高唐會石峰陳提學同賦

北海南雲遙渺茫宦情鄉思共悠長
連床喜見風流在同榜猶傳姓字香
栢署高秋驚燕雀山城薄暮下牛羊
如何不醉還成別孤負霜天月滿墻

別後有懷石峰

憶昨相逢賦夢魚古槐涼月小堂虛
通家更許諸郎見得句先教子弟書
却計此行千里外定知重會幾年餘
同官我亦司文教事事深慙迥不如

除夕卧病柬空同李子

善集卷五
天淮卧病驚除夕河上逢人感昔遊歲月浮生雙鳥翼風
塵遠道一孤裘君還豈爲鱸魚膾我出真荷雪夜舟梅蕊
柳條俱動色幾時携杖並登樓

贈春山李侍御

往歲麻衣出宋中黃巾流亂太行東天王詔下軍符急御
史兵來賊壘空籌策自同諸葛亮諫書人比息夫躬可憐
回首過逢地萬井春烟裊暮風

丁丑元夕宴一齋殿下所先以事歸五華楊先生辱
賦詩見憶仰荅并酌謝一齋

樓外樓禽夜不驚樓中上月露多情庭花欲放先春色几

瑟虛合大古聲興是剡溪催返棹句非東野故逃盟燈衢
醉拂流塵轉轉憶王孫殿閣清

贈王汝立推府之安慶

奕世簪袍襲主榮兩朝科第接家聲羊陶獨守虞廷典賈
誼同歸漢史評伊父周長史也潘閣暮雲回望地郡堂秋月坐吟
情褒名喜入觀風妙不待三年政已成

商水得許廷綸詩奉報二首

涉盡蠻溪與瘴灣轉因家難得身閒應憐白髮應難報頗
怪青雲與獨怪在禁有時看射虎杖藜隨處約登山泥蟠
霧隱真虛擬西北王師尚未班

日射蒸途潦接灣客車何處可投閒愁中鬢髮年年別病
裏篇章字字怪長憶許公兼許子却逢商水藥商山同朝
故地分明記白玉墀東第二班

贈臨漳陳教諭

白首談經獨可嘉學宮桃李燦春花十年鎮日甘藜藿萬
里何曾問室家河甸客裝衝雪冷國門賢路入雲賒臨分
未有瓊琚報愧爾殷勤贈木瓜

人日荅何李二子見懷之作

夾道烟花十二樓大梁歌吹古名州當年尚憶愁中過此
日那教病裏遊司馬調高真寡和謫仙情重若爲酬青燈

白髮春堂晚卧歎年華似水流

何子元叅政遷秩太僕走賀二首

京洛煌煌尺五天姓名今喜萬人傳中州節鉞分藩地西
極風塵出塞年新職似同還典午舊遊爭說是登仙
別意真堪畫誰起江門沈石田

東風環珮促朝天苦恨離盃阻共傳一卧即今看累月並
遊真復是何年閒情謾憶朝中舊多病難逢海上畝芳草
碧山俱不惡擬從春日賦歸田

東李朝信同年

古驛炎荒遠謫丞晚從臺省見飛騰開渠實並西門豹擊

水虛疑北海鵬。二月壽筵雙翠栢。十年官舍一清冰。昨來
詹尹傳消息。聞說先生自此升。

臨穎與賈學士夜坐

霽雨簾櫳暮色澄。病來肢體坐難勝。十年塵土餘雙鬢。萬
事悲懽付一燈。却對渚雲瞻紫極。轉懷江水說金陵。玉堂
本是清寒地。可道官衙只似冰。

自感一首

春堂華燭照端居。自感行藏冷咲予。南郡一麾聊復爾。舊
京三轉欲何如。年華強半稀聞道。月俸無多苦積書。爭似
駉鸞向雲海。馭風長曳紫霞裾。

寄朱士光御史

建業風聲到最先。路謠親聽野人傳。朝端斧鉞埋輪後。江
表溪山攬轡前。搏擊故同鷓鴣下。詠遊時向薜蘿穿。清尊
不對芳春酒。翹首三茅憶洞天。

寄別士光

神交元在識荆先。豈待瓊瑤托鴈傳。終日暮雲看海上。幾
時春酒醉花前。江橫碧水盈盈隔。柳亂黃鸝故故穿。感別
恨時應不少。一封期入九重天。

再次燕泉

總道先期已後時。似緣見少却稱奇。使蜂媒蝶休相訝。國

色天香且自知暮雨懶通巫峽夢薛許昌曰常同巫朝雲

嬾入義山詞李商隱曰欲書翻慙綵筆留真賞未有豪門

紫玉卮韓熙載賞牡丹出五色玉卮隨花色酌客故云

贈劉庶憲赴覲

暫將春雨施蠻鄉早逐秋風入上陽萬里山川真歷覽十年車馬亦匆忙烏臺舊識冰霜面紫極重瞻月光多少遺賢在丘壑擬從封事借明揚

寄白巖太宰

見說脩眉近吐毫壽徵端為息塵勞閒身比鶴飛還健晚局如棋着更高消日有書誰石刻采芳無夢不江臯新裁

五柳開三徑未許黃花只姓陶

寄南宗伯白巖

神仙官府說南畿聞道春曹事更稀庭轉晝陰移樹影印封秋雨上苔衣臺城柳暗宮前路別墅棋殘石上圍台斗位懸朋輩少與誰同賞復同歸

簡石溪殷子

飛步雲霄二十年早歸鄉里共稱賢囊留白壁長捐楚臺冷黃金不到燕跨馬日尋安石墅閉門時注子雲玄懷君夜對層城立月色江聲兩惘然

真州得汝溫王中丞書答寄一首兼呈近懷

郭西殘臆送行車。壩上經年始得書。入陝夢魂遙不阻。守
邊方畧近何如。朱衣却傍風塵際。白髮那禁涕淚餘。來使
隔江難問訊。暮雲春草正愁予。

沛縣舟中柬戴方伯子良

城隅有客眺連岡。城下維舟笑我忙。欲駕行輿仍隔水。忽
看花樹已斜陽。烟郊黯淡新亭暮。石壁陰森古殿涼。豪興
坐闌猶不淺。况隨高步接春觴。

濟寧候文鳴中丞不至却寄

遠傳開府駐任城北。上樓舡趨日行梅信。臆隨千里使羽
書春散。兩河兵青青凍麥。侵沙吐縷縷。晴空隔浦生。三夜

月明虛鎖纜。倚蓬西望不勝情。

寄弟賦

一別二年慨遠睽。萍踪無定任東西。望窮鄉國暮雲合。夢
入野塘春草萋。座上可能揚子對。膝前應解老萊啼。詩書
美躅還須蹈。莫更頻頻索棗梨。

郊壇齋居有懷簡風山月岩

咫尺行軒隔幾街。高吟何處美人偕。燕郊又屬花昔感。剡
曲空勞雪夜懷。伐木有聲鶯在谷。抱琴無韻月明齋。行宮
朝罷親曾數。屈指城西小舊儕。

遇方文玉爲賦振旅詩

旌蓋風翻塞日光。凱歌聲入楚雲長。全功自古難平蜀。元老而今又姓方。四野盡銷新戰壘。百城還覩舊耕桑。書生筆硯尋常事。幾見勲名勒太常。

寄呈東臺外舅

一別夫人今二年。往來空有尺書傳。關山望極孤雲暮。霄漢同心白日懸。碣石風烟通北海。江陵城郭枕西川。相思未卜相逢處。岸草江花亦可憐。

沈右史歸興

敢將勛業比韓休。已把行藏付許由。秋度碧雲悲嶺鴈。晝眠寒水羨沙鷗。愛閒數到邵東寺。望遠時登江上樓。欲訪

庭闈問消息。南風何日送歸舟。

同年侍御羅瑞卿將到京先以詩寄荅之

日夕懷君剛入夢。曉來傳報喜還驚。雲山悵別多岐路。萍海論交幾弟兄。花外驛樓明。多錦草邊城。巷沸蛙笙東門咫尺新晴地。不厭衝泥匹馬迎。

何子元移住楊州巷

第宅三年已四遷。買鄰銷盡賣文錢。極知萍梗皆身外。且逐風花過眼前。伏枕夜通騎鶴夢。散衙秋斷看山緣。相從欲問城東社。聞說郎曹本是仙。

寄王青門太守

不見青門王右丞。渚雲江草思難勝。經旬漸覺人迢遠。入夏真愁氣鬱蒸。山郡吏氓朝閱印。水鄉兒女夜船燈。炎風朔雪多歸鴈。北信南書亦可憑。

紅心驛坐雨有懷臨淮吳茂宰

山店蒼茫風雨辰。驛樓鳴鼓駐行賓。盤渦似有蛟龍鬪。入舍翻疑鳥雀嗔。心是子牟還魏闕。迹非公幹且漳濱。孤吟却憶吳明府。逆旅相逢意頗真。

寄壽陽山人

有足不臨城府邊。有身不到狹邪筵。陶朱故托泛舟興。康樂長吟登嶠篇。閒對菊花開壽酒。靜看椿樹數流年。何時

一起江門卧訪我。金陵水月前。

寄華文遠

江空月白秋千里。不見山人跨鶴來。梅樹長懷隴頭信。菊花虛負掌中杯。清川碧石三吳道。老鴈長雲九日臺。却對晚星傷落落。客邊懷抱幾時開。

寄正齋俞藩參

仲春風日冷萋萋。側望歸人路不迷。千里緝烟新撫哺。兩都青瑣舊封題。鸞鸞有翮中猶鍛。桃李無言下自蹊。沙舸一尊遠面把。素書遙寄魯門西。

除夕述懷奉類菴宗伯

薄暮融風起凍霞五更晴靄麗年華空香裊篆爐存火苑
色回青柳放芽辭谷早鶯同命侶過江春鴈各思家物情
人事端居外頗念吾生亦有涯

午日觀競渡

共駭群龍水上游不知元是木蘭舟雲旗獵獵翻青漢雷
鼓嘈嘈殷碧流屈子怨魂終古在楚鄉遺俗至今留江亭
暇日堪高會醉諷離騷不解愁

